



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Descriptionis Confirmatorum Formula VII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

ptas à Ritual, & quia Domi non fuit illi impositum nomen, in Ecclesia per me impositum fuit nomen N. Patrinus Domi fuit N.

4. Quando autem dubitatur de validitate Baptismi, utpotè quia Obstetrix, vel alius baptizans in periculo mortis postea examinatus rectè formam non callere re-
pertus est, quia aqua elementaris, qua fuit usus, dubia est, aut ex alia simili causa, tunc erit infans rebaptizandus sub conditione, & partita Libri describenda, prout sequitur.

F O R M U L A VI.

DIe . . . mensis . . . anni . . . hora . . . natus est infans filius legitimus, & naturalis N. & N. Conjugum hujus meæ Parochiæ N. qui ob periculum imminens mortis baptizatus fuit Domi ab N. & postea mortis discrimine evaso, delatus fuit ad hanc Ecclesiam Parochialem pro supplendis solitis cœremoniis; sed quia in examine per me diligenter habito dicti baptizantis super forma, & modo Baptismi per eum collati, dubitavi de illius validitate, ideò Ego N. Parochus baptizavi dictum infantem cum conditione -- *Si validè non es baptizatus &c.* nomenque imposui N. Patrinus fuit &c.

A D N O T A T I O N E S.

5. *AB OBSTETRICE APPROBATA.* Dicitur sic in Formula quinta, ut intelligat Parochus, quod nulla fœmina exercere debet officium Obstetricis, antequam sit benè instructa per eum circà formam, & materiam hujus Sacramenti, & ab Episcopo approbata, ut monet D. Carolus in *Concilio Provinciali* 5. quod refert Gavant. *Manual. Episcop. verb. Baptismus num. 26.* ut tradunt communiter DD. quos refert Romaguer. *ad Synodal. Gerund. lib. 3. tit. 18. cap. 2. num. 18.*

6. Additur quoque expressio imminens periculi mortis, ad demonstrandum, quod seclusa necessitate, & mortis periculo, in collatione Baptismi adhibendæ sunt solemnitates ab Ecclesia præscriptæ, alias baptizans sine illis graviter peccat; sic firmant DD. adducti à Romaguer. *loco mox citato num. 19. & 20.*

Cæterùm Parochus circumstantias notatas in Formulis nuper relatis apponere non contemnat, quia sæpè in probanda identitate personæ in successione, & aliis juribus multàm juvant.

Descriptionis Confirmati.

F O R M U L A VII.

DIe . . . mensis . . . anni . . . N. Episcopus N. occasione *visitationis* Pontificaliter indutus ministravit solemniter Sacramentum Confirmationis in Ecclesia N. Terræ N. & fuerunt confirmati sequentes.

N. ætatis annorum . . . filius N. & N. Conjugum Parochiæ N. Patrinus fui N. filius N. Parochiæ N. loci N.

Et sic describantur mares separatim à fœminis in eodem Libro ordine alphabetico, exprimendo ætatem, & qualitatem Adultorum, præsertim si sint conjugati.

ADNOTATIO.

OCCASIONE VISITATIONIS. Fit in Formula talis expressio, ut recordetur Episcopus, quod ne Subditi graventur, conveniens est, quod hoc Sacramentum ministraretur occasione visitationis locorum Diocesis: Pro quo ministrando, nec à Clericis, nec à Laicis procuracionem exigere minimè potest, quia est proprium officii Episcopi confirmare, ut communiter tradunt Barbof. *de Offic. Episc. alleg. 30. n. 10.* & alii, quos allegavi in *Adnotat. ad Formul. II. Edicti Visitationis num. 19. Sac. Congregat. Concilii in Amalphaniana 18. Julii 1699. in responsione ad primum, & secundum.*

Descriptionis Matrimonii.

FORMULA VIII.

SUMMARIUM.

- 1 Parochi presentia in matrimonio debet esse non tantum physica, & materialis, sed moralis, & cum advertentia, ac intelligentia, etiamsi Parochus data opera affectando non intelligeret, & n. 2.
- 3 Matrimonium est nullum si Parochus non percipit sensu consensum utriusq; contrahentis, & reprobatur Rot. & n. 4.
- 5 Benedictio Sponsorum quando sit danda.
- 6 Parochus, quæ advertere debet in descriptione partium matrimonii.

EGO N. Parochus Ecclesiæ N. hujus Civitatis (vel loci) N. factis tribus sollemnibus, idest die... quæ fuit Dominica 2. mensis... secunda die Sancti N. & tertia die... in hac mea Ecclesia super Matrimonio contrahendo inter N. & N. nulloque detecto impedimento, eisdem N. Viro, & N. Muliere interrogatis, & eorum mutuo habito consensu & intellecto, eos per verba de presenti in eadem Ecclesia, servata forma à Sac. Concil. Trid. præscripta, solemniter in Matrimonium conjunxi, ibidem presentibus N. N. & N. N. Testibus, mihi benè cognitis de loco N. qui Conjuges post celebrationem Missæ *Benedictionem* in Missali, & Rituali Sponsis præscriptam à me receperunt.

ADNOTATIONES.

HABITO CONSENSU, ET INTELLECTO. Præsentia Parochi, quæ in Matrimonio vigore dispositionis Concil. Trid. exigitur, non debet esse tantum physica, & materialis, seu virtualis, sed moralis, & humano modo cum intelligentia, & advertentia rei quæ agitur. Aliàs enim si Parochus præsens non adverteret, & non intelligeret, & humano modo consensum mutuum contrahentium non perciperet, non posset esse Testis (de quo confidit Ecclesia) contracti Matrimonii, & per consequens matrimonium non esset validum, ut communiter firmant Theologi, ac Canonistæ, & præsertim Abelly *Theolog. Moral. tit. de Matrim. sect. 2. n. 3.* Boff. *de Matrim. cap. 3. §. 1. num. 2.* Cabassut. *in notit. Eccles. ad Concil. Trid. num. 55.* Cened. *Monacelli Form. Pars I.*

pract. & Can. quest. lib. 1. quest. 30. num. 33. Ciarlin. *controv. 131. num. 61. & seqq.* Sanch. *de matrim. lib. 3. disp. 39. n. 1.* cum aliis pleno calamo allegatis à D. in Urbe docto Advocato Ursaya in ejus *Dissert. seu tract. de matrim. §. 11. num. 8.*

2. Quæ juris propositio vera est, quamvis Parochus data opera affectaret non audire, si re vera non audit, nec consensum aliunde non percipit: Quia (ut mox dicebam) cum Parochus in matrimonio adhibeatur non tamquam minister, sed tamquam Testis magnæ auctoritatis, Fagnan. *in cap. Quod nobis num. 54. de clandest. dispens. & in cap. Litteræ num. 24. de matrim. contrahen. contr. interd. Eccles. Piafec. prax. Episc. part. 2. cap. 4. de matrim. art. 4. num. 18.* Sabell. *verb. matrimonium num. 2. vers. Quod possit probati, Rot. decis. 375. part. 11. recent.*

3. Hinc oritur, quod, si consensum

T ver-